

Statut da la cumissiu da finanzas da l'uestgieu da Cuira

basà sin § 10 al. 2 dal decret da l'uestg diocesan
dals 12 da settember 1986
davart l'administraziun da finanzas da l'uestgieu da Cuira
da la cumissiu da finanzas da l'uestgieu da Cuira
decidi ils 14 d'avrigl 1999

A. Intent ed incumbensa

Art. 1 En general

¹ La cumissiu da finanzas cusseglia e gida la direcziun da l'uestgieu a procurar ed applitgar ils meds finanzials per ademplir las incumbensas diocesan.

² Ella represchenta tras ses commembers las organisaziuns chantunalas catolic-romanas (organisaziuns chantunalas) dals chantuns en l'intschess da l'uestgieu e da l'administraziun (chantuns da l'uestgieu) visavi l'uestg diocesan e ses cussegl d'administraziun:

1. tar il rendaquint da l'administraziun da finanzas da l'uestgieu,
2. cun cussegljar e proponer co ch'ils meds finanzials da l'administraziun da l'uestgieu sajan d'applitgar.

Art. 2 Posiziun davart il preventiv e proposta per ina contribuziun a la cassa da l'uestgieu

La cumissiu da finanzas

1. prenda posiziun per mauns da la direcziun da l'uestgieu davart il sboz elavurà dal cussegl d'administraziun per il preventiv da l'administraziun da finanzas da l'uestgieu per l'onn chalendar suandant,
2. propona a las organisaziuns chantunalas dals chantuns da l'uestgieu da pajar ina contribuziun annuala a la cassa da l'uestgieu,
3. prenda posiziun davart il quint annual e conuschientscha dal rapport dals revisurs.

B. Organisaziun

Art. 3 Cumposiziun ed elecziun

¹ La cumissiun da finanzas sa cumpona da mintgamai in commember da las organisaziuns chantunalas dals chantuns da l'uestgieu (Grischun, Sviz, Glaruna, Uri, Sursilvania, Sutsilvania e Turitg).

² Il commember e ses substitut vegnan elegids da l'instanza cumpetenta da las organisaziuns chantunalas tenor al. 1.

Art. 4 Ulteriurs participants a las sedutas

¹ Ils commembers dal cussegl d'administraziun prendan part a las sedutas da la cumissiun da finanzas senza avair il dretg da votar. Per dumondas spezialas po la cumissiun da finanzas consultar experts.

² L'uestg diocesan ed ils uestgs auxiliars resp. ils vicaris generals vegnan envidads a las sedutas da la cumissiun da finanzas. Els survegnan ina glista da tractandas ed ils documents correspondents.

Art. 5 Presidi ed actuariat

La cumissiun da finanzas elegia or da ses mez il presidi, il vicepresidi e l'actuariat per la durada da quatter onns.

Art. 6 Cumpetenzza da decider e decisiuns

La cumissiun da finanzas è cumpetenta da decider, sche la maiortad dals commembers cun dretg da votar resp. lur substitutAs èn preschents. Ella prenda sias decisiuns e fa sias elecziuns avertamain e cun maiortad simpla. En cas da paritad da las vuschs dat il president/la presidenta la vusch da tagl.

C. Activitad e proceder

I. Preventiv

Art. 7 Sboz dal cussegl d'administraziun

¹ Il cussegl d'administraziun suttametta mintg'onn enfin la fin d'october a la cumissiun da finanzas in sboz detaglià per il preventiv da l'administraziun da finanzas da l'uestgieu per l'onn chalendar suandant.

² Ensem cun il sboz dal preventiv propona il cussegl d'administraziun da dar a la cassa da l'uestgieu la contribuziun previsa per las singulas organisaziuns chantunalas dals chantuns da l'uestgieu per l'onn chalendar suandant.

Art. 8 Posiziun e propostas da la cumissiu da finanzas

¹ La cumissiu da finanzas prenda per regla enfin il pli tard ils 25 da november posiziun davart il sboz dal preventiv dal cussegl d'administraziun. Per la discussiun dal sboz ha ella il dretg

1. da pretender dal cussegl d'administraziun ulteriuras infurmaziuns e l'invista en ulteriurs documents,
2. da suttametter per examinaziun al cussegl d'administraziun per mauns da la direcziun da l'investgieu propostas davart singulas posiziuns dal budget sco era dumondas e giavischs che pertutgan il preventiv.

² Tut las constataziuns e decisiuns concretas da la cumissiu da finanzas ston vegnir menziunadas cun ina curta motivaziun en il protocol per mauns dal cussegl d'administraziun e da la direcziun da l'investgieu.

³ Sin fundament da la discussiun prenda la cumissiu da finanzas posiziun davart il preventiv per l'onn chalendar suandant visavi il cussegl d'administraziun per mauns da la direcziun da l'investgieu.

Art. 9 Motivaziun en cas da divergenzas

Sche las decisiuns dal cussegl d'administraziun resp. da la direcziun da l'investgieu divergeschan dal preventiv da la cumissiu da finanzas tenor art. 8 al. 2, sto la cumissiu vegnir infurmada cun ina curta indicaziun dals motivs.

Art. 10 Orientaziun e recumandaziun per ina contribuziun

¹ La cumissiu da finanzas orientescha tras ses commembers il presidi da las organisaziuns chantunalas competentas davart:

1. il resultat da las discussiuns dal preventiv tenor art. 8 ed art. 9,
2. la proposta concernent la contribuziun da las singulas organisaziuns chantunalas.

² Il medem mument recumonda la cumissiu da finanzas tras ses commembers a las organisaziuns chantunalas da pajar la contribuziun a la cassa da l'investgieu enfin la fin d'avust.

Art. 11 Calculaziun da la contribuziun

¹ L'autezza da la contribuziun annuala a la cassa da l'investgieu sa drizza tenor il dumber dals catolics da las singulas organisaziuns chantunalas dals chantuns da l'investgieu tenor la davosa dumbraziun federala dal pievel.

² Resalvadas restan cunvegns spezialas u decisiuns (propostas) divergentas da la calculaziun tenor al. 1 da la cumissiu da finanzas.

II. Quint annual e rapport dals revisurs

Art. 12 Consegna dal quint annual e dal rapport dals revisurs

¹ Il cussegl d'administrasiun suttametta mintg'onn a la cumissiun da finanzas en fin il pli tard la mesadad da zercladur il quint detaglià da l'administrasiun da finanzas da l'investgieu ensemen cun il rapport dals revisurs.

² En il senn d'ina preorientaziun provisoria da las organisaziuns chantunalas dals chantuns da l'investgieu agiunta il cussegl d'administrasiun al quint annual era ina glista da las contribuziuns probablas ch'èn da pajar a la cassa da l'investgieu l'onni suandant.

Art. 13 Discussiun e posiziun davart il quint annual

¹ La cumissiun da finanzas prenda mintg'onni posiziun davart il quint da l'administrasiun da finanzas da l'investgieu per mauns dal cussegl d'administrasiun e da la direcziun da l'investgieu. Ella prenda conuschientscha dal rapport dals revisurs concernent ils singuls secturs da l'administrasiun da finanzas e discuta las propostas e las remartgas dals revisurs.

² En connex cun la discussiun dal quint annual e dal rapport dals revisurs ha la cumissiun da finanzas il dretg da pretender dal cussegl d'administrasiun ulteriuras infurmaziuns, scleriments e l'invista en ulteriurs documents.

³ Ils commembers da la cumissiun da finanzas infurmeschan il presidi da lur organisaziuns chantunalas davart il resultat dal quint annual.

Art. 14 Infurmaziun

La cumissiun da finanzas decida mintgamai sin fundament d'in sboz dal cussegl d'administrasiun dad infurmar davart il resultat dal quint annual.

D. Disposiziuns finalas e transitorias

Art. 15 Retratga dal statut

Las organisaziuns chantunalas cumpetentas han il dretg da sa retrair dal statut preschent mintgamai per la fin d'in onni chalendar. La retratga è da communitgar almain sis mais ordavant en scrit al presidi da la cumissiun da finanzas ed a l'investg diocesan.

Art. 16 Approvaziun sco premissa da valaivladad

¹ Per la valaivladad da quest statut d'ovri l'approvaziun

1. da l'investg diocesan da Cuira,
2. da las organisaziuns chantunalas cumpetentas.

² Al. 1 vala era per revisiuns parzialas dal statut da la cumissiu da finanzas.

Art. 17 Entrada en vigur e dretg transitori

¹ Quest statut va en vigur cun ils conclus d'approvaziun da l'investg diocesan e da la maiortad da las organisaziuns chantunalas. El remplazza il statut da la cumissiu da finanzas dals 23 da zercladur 1970.

² L'emprima perioda d'uffizi da quatter onns en il senn dad art. 5 cumenza il 1. da schaner 1999.

Cuira, ils 14 d'avrigl 1999

Per la cumissiu da finanzas:

Il president:
Herbert Enz

L'actuar:
Gaudenz Willi

Il statut preschent vegn approvà:

Cuira, ils 2 da december 1999

L'investg diocesan da Cuira
Amédée Grab

Alfred Schriber, vicechancelier

Approvaziun

da las organisaziuns chantunalas dals chantuns da l'investgieu

(Suttascripziuns dals titulars d'uffizi cumpetents):

Uri: *Herbert Enz, president*

Glaruna: *Rolf Bossi, president*

Sutsilvania: *Max Albisser, president*

Sviz: *Hans Iten, president*

Grischun: *Luis Pajarola, president*

Turitg: *Giorgio Prestele, secretari general*